

KUALA LUMPUR, 25 OKT (BERNAMA) — KERAJAAN TELAH MENGAMBIL BEBERAPA LANGKAH UNTUK MEMPERBAIKI KEDUDUKAN GOLONGAN MISKIN DI SABAH, TERMASUK KAUM MURUT.

TIMBALAN PERDANA MENTERI, DATUK SERI DR. MAHATHIR MOHAMAD MENYATAKAN INI KEPADA PERTANYAAN DATUK STEPHEN R. EVANS (BN-KENINGAU) DI DEWAN RAKYAT HARI INI.

TIMBALAN PERDANA MENTERI MEMBERITAHU ANGGOTA DARI KENINGAU ITU, KERAJAAN SEDAR AKAN KEMUNDURAN KEDUDUKAN EKONOMI KAUM MURUT DAN LAIN-LAIN KAUM BUMIPUTRA DI KAWASAN-KAWASAN PEDALAMAN NEGERI SABAH.

BAGAIMANAPUN KATANYA RANCANGAN PEMBANGUNAN EKONOMI NEGARA TIDAKLAH DIRANCANGKAN BERASASKAN UNTUK FAEDAH SATU-SATU KAUM TERTENTU TETAPI SEBALIKNYA BERTUJUAN MEMPERBAIKI GOLONGAN YANG MISKIN DAN MUNDUR TANPA MENGIRA KAUM.

DALAM RANGKA MENGADAKAN RANCANGAN UNTUK MENGHAPUSKAN KEMISKINAN, KAUM MURUT YANG TERMASUK DALAM GOLONGAN YANG MISKIN ADALAH TURUT MENDEPAT FAEDAH, TEGASNYA. — BERSAMBUNG 1646/BY

**PARLIMEN-MURUT 2 KUALA LUMPUR**

DATUK SERI DR. MAHATHIR BERKATA ANTARA LANGKAH-LANGKAH YANG DIAMBIL UNTUK MEMPERBAIKI KEDUDUKAN GOLONGAN MISKIN DI SABAH IALAH:-

- . PENEMPATAN SEMULA PARA PETANI DALAM RANCANGAN TANAH BARU;
- . PEMULEHAN SEMULA TANAH-TANAH MEREKA MELALUI KOPERASI PEMBANGUNAN DESA (KPD) BAGI MENAMBAHKAN PENDAPATAN;
- . PELANCARAN RANCANGAN EKONOMI RAKYAT YANG BERTUJUAN MENGGALAKKAN PENANAMAN TANAMAN UNTUK DIJUAL BAGI MENAMBAH PENDAPATAN;
- . MENYEDIAKAN KEMUDAHAN LATIHAN KEPADA PARA BELIA MENGENAI CARA-CARA PERTANIAN MODEN DAN BERTANI CORAK PERNIAGAAN; DAN
- . MELUASKAN SKIM KREDIT LUARBANDAR KEPADA PARA PEKEBUN KECIL UNTUK MENAMBAH PENGELUARAN TANAH-TANAH MEREKA. — BERSAMBUNG HM 1700

EE  
B571

**PARLIMEN - MURUT 3 KUALA LUMPUR**

TIMBALAN PERDANA MENTERI MENERANGKAN BAHAWA PROSES PERUBAHAN INI ADALAH LAMBAT OLEH SEBAB MASALAH PERHUBUNGAN, KESUKARAN MENGUBAH CARA HIDUP DAN SIKAP DAN LAIN-LAIN FAKTOR KEMANUSIAN.

WALAU BAGAIMANAPUN, TEGASNYA, SEGALA TENAGA DAN USAHA SEDANG DILAKUKAN OLEH PENTADBIRAN, KHUSUSNYA KERAJAAN NEGERI, UNTUK MEMPERCEPATKAN PROSES PEMBANGUNAN KAWASAN-KAWASAN PEDALAMAN DI SABAH.

BELIAU DIFAHAMKAN KERAJAAN NEGERI TELAH PUN MENETAPKAN SEORANG PEGAWAI KANAN UNTUK MENYELARASKAN PROGRAM TERSEBUT UNTUK MENCAPAI TUJUAN YANG DIHARAPKAN. — BERNAMA HM 1703